

重刻徐幼文北郭集卷之四

吳郡

徐貴

幼文

著

高安

陳邦瞻

德遠

校

新都

汪汝淳

孟樸全校

五言律

雨後過桃花塢

林晚帶城陰斜光里巷深過時思燕賞感物廢行吟
暫出畦間蝶將棲柳外禽亂離雖有恨能到亦娛心

詠隣家桃花

綺樹隔園隣牆陰得見春艷香還可挹芳質未容親
北郭集 卷之四 一

賴有情勾蝶羞無語向人靈源纔咫尺不用覓通津

詠柳

裊裊復垂垂千絲更萬絲枝殘離別處花落艷陽時
泣雨愁多眼紫烟誤學眉龍池看更好洛水種偏宜

經廢永定寺寄謝元功

路轉廢垣邊依依市井連院荒晴見蝶僧出午無烟
古佛存唐像殘碑記宋年自悲人境異此地更蕭然

與高季迪宿丁志剛宅次韻

跋遠歸方喜交深見愈親戀詩留兩日醉酒記三人
竹密梢禁雨梅高蓋應春論心元有素不用再相陳

夜投白蓮寺在甫里

飲別東家叟行投西寺僧無風收閣幔有月罷廊燈
竹夜聲偏集池寒色似凝無端值詩景清興覺逾增
黃山人家次韻答陳秀才

相逢坐上客俱是此鄉人重見兵前面能全竄後身
月遲疑夜短風乍覺寒新爲訴窮途事都忘語意頗
題張來儀畫次韻高季迪

萬水更千岑朝晴又暮陰猿聲風出樹虎跡雪團林
酒具遊曾遍詩材思更深相看畫中客不異共行吟
和陶文學月夜泛湖之作

北郭集

卷之四

二

水色浩無涯乘舟學泛槎澄河天合影遠浪月浮花
夜暗丹楓浦秋明白鷺沙歡情猶未已還復過隣家
送宋天章歸南康葬親

道路經千里風塵過十年遺阡寒草外故墅夕陽邊
去買臨江艇歸求負郭田遙知塋親處雙鶴吊秋烟
題王嘉主簿母夫人李氏墓銘後

蚤歲傳貞節名家出令儀萱堂宜享壽蒿里忽成悲
子哭雷鳴夜人看露降時西亭墓前樹爭爲護新枝
過東園有感

閑步林中屨來敲竹下門雲陰平亂堞烟景聚荒園

近晚蟲逾切當秋菊自繁誰能忘感慨到此不銷魂
與金文中朱仲義宋仲温過李士明鍊師雨阻
留宿探韻得孤字師有酒瓢如鶴形因扁居曰
鶴瓢山房

齋房留坐久寒雨灑庭隅筵促蘭香近池空桂影孤
酒瓢憐似鶴蠟屐恨非鳧雖阻還家興清言亦可娛
寄行書記

聞道歸來日空山獨寄禪施經村口市澣袖石根泉
竹色林扉掩雲深草閣連秋風苦相憶空托下方緣
對鏡

北郭集

卷之四

三

把鏡忽成悲衰顏獨對時風塵空老我勲業竟煩誰
乍見如曾識頗看卻又疑黃冠初欲試短髮可相宜
雨中過陳秀才宅

一逕來東崦茅堂竹映扉鶯聲寒尚少樵響午猶稀
苔雨漫棋局蘿風入桁衣愛君能賞靜纔到便忘歸
兵後過罽亭山

罽亭西去遠一過一淒然鴈宿蘆中月人歸草際烟
漁家多近水戎壘半侵田尚喜餘民在停舟問昔年
題關氏廢園

園景正蕭然那當雨後天花臺曾置酒蓮港卻通船

水澗橋仍構畦荒路漸連如何遊賞日不在未兵年

晏起

高卧齋房靜悠悠雞唱殘空明窻易曉日出帳仍寒
謝事容身懶甘貧任路難不妨教晏起幸得此時安

中秋

圓月秋方皎涼天夜愈澄杯憐娼女勸樓看美人登
皓氣浮金界遙光轉玉繩綵鸞招不下簫管竟無憑
同衍師訪席有道分韻得尋字又得無字

邂逅空門友仙家得共尋石苔經屐破冰溜落溪深
雲過松分影林寒鶴避陰何煩謝人世心靜只山林

北郭集

卷之四

四

其二

村深一逕遠幽鳥喜相呼心與天光淨身兼鶴影孤
雨苔隨地有木葉過霜無爲問蓬壺客何年種白榆
過妙智院臨西澗望海虞諸山得塵字

來問東林社行吟西澗濱水痕秋更淺山色雨如新
落水無棲鳥扁舟有去人欲因尋石室深愧客衣塵
喜王介休過次韻

喜爾頻來往敲門每夕曛迴風偏入幙高樹徧留雲
激石灘聲轉投沙鴈字分自慙踈懶性不是厭塵氛
同黃本中山人衍畧二釋子會宿桐里寶師房

小艇泊江潯同來宿梵林
雨香茶榻近烟影竹垣深
幸得芳時見寧辭醉後吟
歡娛當此夕亦足憫離心

題全山幽居

君家住橫塘繞屋盡垂楊
遙山多雨意平野足風光
蟄後童尋笋蠶時婦採桑
閑中無別事應只類醫方

虞文學村居

行盡沙村路林塘得隱居
竹光琴席上蓮氣酒杯餘
露重時聞鶴風平或見魚
會當明月夜相與步前除

藥圃

高樹草堂陰林蹊繞澗潯
三稜收夏草五葉認春參

北郭集

卷之四

五

畦上風香襍泉頭土脉深
應知扣門者多是病家尋

蝶

化從微蠹出生與衆蜂忙
冒雨仍調舞因風得恣狂
獨憐花下影遙識酒邊香
失意驚羅扇含情戀繡床

賦得洗藥贈張性之提舉

携將一藥筐浣濯向迴塘
根澁泥難淨苗新瓜易傷
曝時猶帶濕浸處尚流香
聞爾勤修製多應按古方

遊靈鷲寺

在吳城

香林竹樹疎靈鷲古僧居
淨几陳齋器名函貯梵書
激觀諸相外幽詠六時餘
每到成清坐塵根亦自除

約李伯章宿浩師房不赴明日因寄

舊有通家好都來老大時
喜當蕭寺見恨阻夜窻期
城陡星河逼陂乾草樹衰
無因慰懷抱聊爾爲題詩
姚生家菊窻

黃花近間白疊疊獻秋妍
佳色虛櫺映寒香小牖傳
交芳同結綺並巧鬪連錢
來徃毋煩問相看自可憐
喜許孝蕪見過賦此以謝

每負尋君約翻令載酒過
青山閑對客白髮醉宜歌
棹響蘆間亂禽聲桂裏多
無端趣歸去今暝奈愁何
次韻如律侍者

北郭集

卷之四

六

蚤悟空門學迷津得濟涯
逢人談淨業邀伴結長齋
瓶古泉滋瑩杯香茗味佳
定知趺坐外別自有吟懷
次韻願浩知容

禪關臨九市喧寂此中分
寶石棲嵐影珠林帶夕暉
花間時禮塔鶴上每招雲
空界多詩景幽吟盡屬君
寄贈李道士

學仙不離世遠地構齋房
簷蔓爲衣桁山瓢當酒觴
餒甘麻有味漿熟桂多香
一自相違後雲墟望更長
李逸人同川藥隱

小墅離村遠門當水竹開
芷蒲皆藥草雲鳥盡詩材

春雨躬耕去斜陽訪病回花藏溪上路只許酒船來
宴王允同雅會堂用外舅韻

東風奏絃筦開宴錦堂深酒氣酣春色桐香落午陰
花殘惟駐萼鶯老尚調音感此頻懷舊因傷久別心

題春江雲舍

舍遠深藏樹沙虛暗宿雲春江孤艇度村逕幾家分
出澗泉皆雨當門草是芸花時重作約載酒此逢君
題逸人陋居

小逕入幽林齋房住更深廢垣花蔓葛荒圃草迷參
藏帖存家業修方寓道心幾回舟過處柳下記相尋

北郭集

卷之四

七

夜坐池上有詠

新涼滿綠波窻戶雨纔過岸響聞蒲葦池香識芰荷
隔雲星現少承月露凝多夜靜誰能到詩成只自哦
問謀佺二上人病

出世歸來早蕭然一古僧色身因病惱道念與年增
花塔留孤錫松房置七燈遙知幽詠處野色望中凝
其二

已斷遊方念天寒獨閉房禪期多疾廢經誦老年忘
几土惟香貝龕前有藥囊鄉人皆敬愛無不餽新方

泛碧浪湖

在湖州南門外

邀客泛流槎開樽對渚沙
苧袍沾杏雨蘭棹撥蘋花
積水添湖滿遙山抱郭斜
閑情逐幽賞聊用答年華
遊浮玉山 在碧浪湖中次韻

浮玉山前路樓船泊渚沙
蘋香風際草杏色雨前花
閑鳥兼湖淨遊絲趁岸斜
不因來此處那得賞春華
晚過西崦費氏別業贈明天目長老

烟光暗墟落澗道入層層
不訪中林士那逢西崦僧
山厨將具黍隣屋爲分燈
自覺行來倦清談遽弗勝
一身

一身經喪亂此地獲偷安
羽檄今朝急征鼙幾夜寒
北郭集 卷之四 八

遠峯明或近新月淡如殘
雖有樽中酒離懷不自寬
宿彭閣

溪流處處通舟出野橋東
小閣雲停雨閒門竹掩風
僧迎先問候客至只談空
不道經離亂清溪得此同
晚行南屹懷陳文度

離思滿荒烟行行只自憐
吟成流水次望斷遠鷗邊
葉戀經寒樹星催欲夜天
懷君無數里渾似隔山川
夜行東湖

葭菼連湖道新寒夜更清
波搖星失影風過鴈流聲
估舶依村宿畸人傍水行
棹歌何處起杳漶不勝情

山館喜黃校理莫先輩見過

爲客荒齋夜相過喜見君酒盃令僕進厨火向隣分
歸計貧難定愁言醉可聞無由免流落歸卧故山雲

蜀山書舍圖

山水幽深處閑居此地曾傍花春宴客看竹午逢僧
雲樹尋新味巖巒憶舊登兵塵今間阻對畫思難勝
已酉八月十七日夜泛碧浪湖泊浮玉山對月
呈席上諸公

水月共秋妍山椒夜泊船人來黃葉浦漁宿白鷗天
聞唱風瀾外持盃露影前自從經喪亂誰得此留連
北郭集

卷之四

九

期萬僉憲杜進士徐校理遊張林山

東風半寥落遊賞已蹉跎春色邀人醉歡情待妓歌
花愁經雨少鶯語在山多預作明朝約寧辭載酒過
贈山中隱者

居久辭簪紱蕭然世外心壺盛師授藥囊積自燒金
長嘯千峯表閑行百澗潯猶嫌樵牧到更欲住雲深
寄道場長老渭清遠

逍遙佛境居性相自如如說法神龍衛傳經寶象興
乳花香積供貝葉梵天書一自遊方後春來出寺踈
蓮花涇莊

洲渚綠縈迴菱荷面面開路從花外過山向柳間來
鳴鶯驚迴舫遊魚仰酌杯同爲城郭裏此地絕塵埃
閑居

遠徑兼山水閑居得野情踰垣驚竄鹿出樹見啼鶯
藥圃泉邊闢瓜田雨裏耕喜無冠冕志因得少逢迎
題周伯陽所居

山深獨置家地帶竹林斜花盡纔收蜜烟生正焙茶
客來門放屨樵出路鳴車不但成高隱營生亦有涯
題趙道士山居

閑心與世忘遠住白雲鄉種玉旋開地藏丹別置房
北郭集

卷之四

十

禽魚各有樂椒桂本同芳已謝來轅久從教徑路荒
山中琴興

巖上露初霽旭日照高林古澗雲蘿窈孤亭松桂深
鳴琴始成調流水復同音爲問山中客誰知靜者心
黃山梓里

山中多豫章門巷綠成行晴日花明夏南風葉汎涼
密陰同岸杞遠色並畦桑望望林泉處君家有草堂
登東林塔

孤峯元絕漢層塔更凌空輪相超三界鈴音韻八風
烟蘿登已盡雲水望何窮自喜身強健來居杳靄中

馮山人湖上別業

宅近南湖口青山盡在門
田卑嘗冒水隣少不成村
住久諳農事耽閑悟道言
如君避地者今有幾家存

答胡勉秀才

採蘭不可度悵望莫江臯
湖勢歸還疾鳶聲飛尚高
曲憐琴上怨人憶酒中豪
莫謂天涯遠題詩豈憚勞

思親亭

孤亭碧澗潄長日此登臨
每到看雲處都成憶母心
壽萱春自綠慈竹夏多陰
不爲閑瞻味惟歌遊子吟

送湯伯貞之京

北郭集

卷之四

十一

曉日轉城鴉驅馳陌上車
身雖居道路心已戀京華
隴樹蕭蕭葉河流混混沙
到時春爛熳開遍上林花

送思上人

一瓶與一錫遊越復遊吳
到寺長逢舊看山每過湖
飯綠隨處有法意本來無
南地多猿鳥還驚梵語殊

詠鷗得苗字

下上及流潮尋盟不待招
羣飛分嶼色獨宿隱蒲苗
晴影沉江小春聲泛渚遙
自嗟江海客短髮共蕭蕭

送張文學

芳筵趣新餞商瑄默秋聲
淡淡川星沒遙遙海鴈征

維舟延客景看路計歸程以此遲留意聊將暢別情
詠妓

出閣初含笑臨筵復理粧蘭膏分髮綠葢粉間眉黃
掩扇羞嗔小褰衣舞恨長不知坐中客若箇是盧郎
贈盧中上人

歸去東林寺行循曲澗流餘燈因佛在宿飯爲猿留
竹屋烟迎夕菱池雨送秋還叅衆師舊一一話曾遊
送江教諭

湖海相知少風塵送客初歸愁江雨積別意柳條踈
楓落迎船葉鱸香出水魚吳興尚文物吾道近何如
北郭集

卷之四

十二

送烏程馮明府

夙負親人術初當出宰年青山依縣郭春雨傍湖田
鳥下鳴琴後花飛判筆前民風非復古重作諭蒙篇
濯清軒

春草綠芳洲清江遶舍流芹香低渚燕波影媚沙鷗
風帶初聞笛花藏罷釣舟滄浪千古意何處問巢由
雪上逢董莊

董吳城北郭故隣

五月苕溪道南風暑氣新偶當爲客日翻比在鄉親
醉酒橋邊市驅車陌上塵行藏不須問同是布衣人
賦得廣文舍贈李文學

地與齋宮接門臨泮水開廣文騎馬到司業送錢來
芹向春時采槐多亂後栽無種不須歎相遇且啣盃
悼陸廷臣

溪館相逢日荒山獨吊時文章傳舊業泉石負幽期
反隕慈親淚空遺幼女悲交游今滿眼題墓欲煩誰
楊進士載酒亭卷

亭基久蕪沒湖上幾斜曛舊夢通魚鳥餘情付水雲
客過曾問字詩罷憶書裙待得重歸隱春風此訪君
秋晚次高推官韻

溪樓成晚眺沙浦粲孤霞值節長爲客逢人卽話家
北郭集

卷之四

十二

荒山惟去鳥落木見棲霞莫謾嗟零落吾生豈繁瓜
送客

津亭鳴鼓罷行色柳先知酒到聽歌歇詩因戀別遲
亂山投驛晚疋馬叩門時草檄軍中事多應載筆隨
立秋夜同社書記李逸人寓宿分韻得霜字

今夕秋風至相逢酒一觴身雖俱在客情得是同鄉
密竹先驚雨輕梧不待霜那知千里外復此話連床
秦淮客舍除夕呈大兄

兄弟喜連床燈前話故鄉年隨窻雪盡夜入酒盃長
暫得懽情合都將客況忘何如共歸去爛醉北城傍

戊申正月試筆

佳氣麗層城，龍河溢曉清。市橋緹綺集，巷陌寶車行。
柳上春多思，蘭心雪有情。風光看更好，底事客愁生。

次韻楊孟載感故園池閣四首

草閣開清曉，鈎簾爽氣通。綠蒲藏藥裹，文荇縛詩筒。
盥手纔臨澗，梳頭得面風。此時應得暇，行繞碧梧桐。

其二

草閣開清晝，官閑過客多。枕材便礪石，酒具給池荷。
蕉長宜聽雨，萍交不見波。此時晴爛熳，歌詠復如何。

其三

北郭集
卷之四
十四
草閣開清晚，涼生自有期。菊因風始護，竹待雨方移。
妓進調成瑟，童收奕罷棋。此時盃酒裏，明月是相知。

其四

草閣開清夜，垂垂星斗零。水蒲藏白小，露草宿蜻蜒。
文梓栽憑几，生綃畫卧屏。此時涼似水，看子拾流螢。

茅堂

茅堂近曲岡，門巷草萊長。病力晨春怯，詩情午睡妨。
相過皆故友，忘卻在他鄉。炎夏愁卑濕，時理藥囊。

獨坐懷鄉中友人

獨坐荒山暮，相親是酒盃。人從鄉裏別，秋在客中來。

倦鳥須臾去幽花次第開離心自多感不爲歲時催
挽郭秉心都事

謫居欣與識死別忽成悲客館存虛位行囊只舊詩
鄉人收骨葬館僕報家知惆悵平生淚因君更復垂
趙曹莫二助教留宿南齋

南齋涼意足夜景滿柴關隣友將茶送山人酌酒還
星垂雲影外螢出桂陰間相值艱難日諸君豈易閑
次韻別方員外

暫來因復去不得久相同身在匆匆裏年過袞袞中
吟針寒寺日望斷暮天鴻料我還山後相思只向東
北郭集

卷之四
送潘士謙歸廬州省親

十五

微名雖不偶且得奉慈親爲客逢多難還鄉有幾人
鳧鷖江郭雨桑棗楚郊春此去尋閭里俱非舊識隣
賦荷送陳進士啟

團團初帖水苒苒漸盈塘微動知魚戲斜披見鷺藏
幅裁巾學製蒲泛酒移香折得同青蓋貽君障夕陽
賦陌上車送穆德敬

徒旅候鷄鳴驅車陌上行蓋當寒樹隱鐸應曉風清
軋軋趨前坂遙遙計後程雙輪日千轉未足比離情
送王員外歸太原省墓

聖主頒恩寵，郎官賜誥還。
人瞻新騎從，馬識舊家山。
古墓原花裏，高墳隴樹間。
遙知心戀闕，夜夜夢朝班。
送會伯滋赴西河將幕

上將初分閫，儒官解習兵。
風旗春獵野，雪帳夜歸營。
洮水從岷下，祈山入壠平。
知公能載筆，草檄報邊聲。
送澄上人南遊

雲水三千里，江湖二十年。
春風投海國，落日上吳船。
木鉢家家飯，蒲團處處禪。
石橋元有路，只在暮鍾邊。
送朱知事

惆悵官亭酒，如何送客頻。
水烟漁市晚，花氣野橋春。
北郭集

卷之四

十六

小騎行沙健，輕衫映柳新。
尊前莫催別，明日異鄉人。
送王越

客鄉還送客，况是暮春時。
雨濕花飛重，川長鳥度遲。
酒尊歌後歇，帆影望中移。
惆悵東風絮，飄零不受吹。
別楊三兄弟

憐君好兄弟，留宿喜相親。
鄰寺鍾聞早，風窻燭剪頻。
共傾今夜酒，同是異鄉人。
莫謂相知少，交情久見真。
答山西楊孟載憲副

小雨晚晴天，新涼欲早眠。
綠慳盃酒裏，愁入鬢絲邊。
北地先聞鴈，西林已罷蟬。
懸知相憶處，千里共嬋娟。

歲晚

客途逢歲晚落日倦登臨阻絕山川恨艱難父子心
江吞吳地盡天入楚雲深近報王師捷悲懽不自禁
題得飛雲送劉提司勝

天闊浮雲遠囚風捲白衣流陰蕪水淨寒影度江微
不受歌聲遏先將別思飛飄揚隨去馬今夕定何依
逢俠客

由來燕趙士意氣負平生買妓千金醉平戎一劔行
君王曾錫寵賓客盡知名今日俠邪道相逢重結盟

題田家

北郭集

卷之四

十七

田家無別業朝夕理東菑敢說農功苦惟憂稼事遲
牧歸牛飽後祭散犬迎時更得輕徭役豐年樂有期
宿王判簿宅送徐孟岳

來往頻吳越扁舟只載書言從交後淡情恐別時踈
涼意蓮塘靜宵光竹牖虛懸知待明發析盡是愁初
寄金子肅

春色邊城暮君如客況何傷心離母久失意傍人多
慰泛花時酒悲因月夜歌有家歸未得非是隔關河
題杏林圖贈陳子京

茅山無四隣紅杏萬株春收穀還憑虎栽花賸有人

學仙離世久訪病出山頻我獨懷芳躅君能繼後塵
東城道中與王守敬張思庶同賦

水郭秋風後尋詩客共過晚鴻將集渚風葉盡隨波
野客便詩思潭魚識棹歌前山青數點不似亂雲多
同高記室訪虎丘蟾苞二上人

林下曾相見重來記往年笑談俱是法去住本無緣
山溜泉通脉簾陰竹護烟暫忘人世事得此共棲禪
送唐處敬赴嘉興

莫謾唱陽關愁多湖上山春風催去艇酒色解離顏
路出三江外程淹一日間官亭車馬散俱是送君還

北郭集

卷之四

十八

次韻答楊孟載池閣晚坐

四首

獨坐面萍池微涼汎碧漪意緣多病懶詩是苦吟遲
孤柳風難定叢篁雨不歇蕭閑此中趣未信髮如絲
其二

晚涼池閣靜藹藹綠陰交野燕將新子牆桑發舊苞
藥房因雨閉茶臼待晴敲誰念孤吟客繩床坐岸切
其三

閣晚颼初歇池萍水不漪衆禽鳴未定獨鶴宿常遲
無悶杯仍酌多眠枕屢欹黃梅時節裏常是雨絲絲

其四

習靜消微恙驚時念故交花殘紅剝萼蕉長綠成苞
茶器晚猶設歌壺醒不敲遙知涼思足行樂到林均
答宋仲溫見過不遇之作

樵蹤空枉問值此掩重扉餘雪寒猶在初陽曉尚微
隣遙雞獨唱厨靜雀羣飛愧乏應門者留君待我歸
次韻高季迪期遊雲岩雨阻之作

身勢兩無妨閑情獨未忘相期移酒艇同宿過僧房
節物寧長好園花已罷芳亂山烟雨外欲望失蒼蒼
秀野軒

何處問幽尋軒居湖上林竹陰看坐釣苔迹想行吟
北郭集

卷之四

十九

嶂日斜明牖渚風涼到琴相過有隣叟應只閑話心
和高二啟聞隣家琵琶之作

花暗短垣春琵琶度隔隣促絃知改調停撥侶要人
得見情應眷遙聽思已親摧藏曲中怨何事話能真
喜高記室了上人見過

晨起掃閑齋涼風葉滿堦吟邀隣友和坐喜野僧偕
雨意宜深竹庭陰得古槐清樽常自滿能不寫幽懷
送易架閣

何處唱離歌前湖一棹過日斜山似近水落渚偏多
寒意歸沙柳秋風到浦荷不知今夜夢還隔幾烟波

送王團練赴邊

遠塞頻經擾重煩團練行埃兵傳虜信關吏說邊情
月黑深防檄風高屢按營羽書聞近息喜復見秋成
丁未年人日

人日轉寒深春城澹澹陰殘梅仍故色啼鳥換新音
曆喜逢時看詩多感物吟愁來渾是醉誰道酒能禁
飲櫻桃花下次韻饒叅政

西園風雨過今日始知春對酒皆閑客逢花卽故人
悲歡情各異醒醉量難均忽酒樽前泪愁多易滿巾
賦得收穀虎贈葛太醫

北郭集

卷之四

二十

紅杏子初熟黃班性久馴卧看收穀器行識問醫人
逐少非營利藏多得贍貧近聞勾漏縣花似董林春
聞高季迪病眼因寄

芳時聞病目幾日卧齋房有女能修藥多人爲送方
晝吟還不廢夜誦定相妨每到看花處思君詎可忘
贈古心上人

已斷鄉山念聊隨雲水緣時時惟禮佛處處卽安禪
半傷心曾契三衣體自便遙知明月夜趺坐降諸天
待杜二寅不至

春水路西東思君悵望中落花湖上雨歸鳥柳間風

雲影疑飛蓋歌聲認短篷蕭條一盃酒此夕向誰同
送李山人還越

舊宅鑑湖陰東歸慰遠心風帆沙樹杳驛路水雲深
袖有題詩卷囊多賣卜金翩然自來往應不負山林
呂山人客圓明精舍有贈

遠與山家別來依佛殿居寄齋頻施米作供贖藏蔬
禪處客分榻經餘許看書暫隨僧結夏入市也應踈
答余左司

南城悵違別北里念周旋賭墅春同奕聽江雨對眠
詩情空日日花事自年年何處思君切牙營鼓角邊

北郭集

卷之四

二十一

綠水園燕集

客集金閨彥筵張綠水園池陰夏荷滿日正午葵繁
和曲均歡喜摘詞涉道言欲還惜餘興更爲坐前軒
同唐文學肅王校書行訪衍畧二上人留宿真
慶精舍得聞字

僧院城南僻禪林夜見分觀心方有悟演法侶無聞
燈影欺微月簾陰護宿雲偶因來問竹況得此逢君

五言排律

題王材東里草堂

移家遂成隱結屋澗東隈野客分茶送隣舟載鶴來
雲埋琴薦冷風捲壁衣開晚餉磯頭飯秋吟竹下盃
余生慕幽賞到此每遲回

送人之吳江

垂虹橋下路此地隔江湖沙樹應多橘寒魚半是鱸
風將菱唱遠舟帶夕陽孤離別琴三疊悲歡酒一壺
不堪憶君處烟雨滿秋蕪

送趙克常歸楚

北郭集

卷之四

二十二

避地吳門久還鄉楚郡遙開田仍負耒賣藥每携瓢
夢逐歸雲度心同去旆迢到依魚市住飲赴里人招
海色霞生島江聲雨送潮不堪先隴上松栢半蕭條
賦得石井贈虎丘蟾書記

來款生公室因尋陸羽泉虛泓雲液淨陰甃土花圓
竹引歸香積瓶分供法筵虎跑晴見跡龍伏暖浮涎
錫影孤亭日茶香小竈烟師心如定水應悟趙州禪
賦鉢送僧道衍

舊日天王獻初因佛祖傳藏龍元有法乞米但隨緣
不受蕭郎擊寧求魏后憐托歸村口寺洗傍石根泉

此去留香積當叅飽飯禪

訪衍上人直次壁間韻

僧院深無地清幽慰客心
衆山同晚色孤墅肅秋陰
托興詩頻賦論情酒罷斟
開簾知樹杪過竹是溪潯
雲靜明遙望猿哀續短吟
秋風空返棹偶此記登臨

送張明府

每喜論文久那堪又送行
壺深淹別酒歌短促離程
水驛孤臨渡寒山半隱城
潮生知海近木落見秋清
明旦車塵下應看父老迎

送王主簿

北郭集

卷之四

二三

路從茗水去萬壑更千巖
孤驛愁將別離杯惜重啣
鶯聲賸妓曲柳色學朝衫
烟淡綠汀草風將向浦帆

明朝憶君處江上雨寥寥

賦椽斗林韻得車字送朱別駕

榻林前代植第宅昔人居
高蔭猶臨野幽叢獨芘墟
花開當夏密子熟過林疎
深處惟來鳥收時得賦沮
雲霄千尺近雨露百年餘
偶爲登臨到因懷別駕車

陪牛進士馮明府宿遂初庵得心字

山中因訪古方外遂幽尋
曲逕緣迴澗高標出亂岑
舍舟留北渚借屐過東林
野色兼寒色雲陰助夕陰

烟波皆客意猿鳥共開心風引虛林磬泉流別院琴
褰帷蘿蔓入掃壁土苔侵花韻空禪性松聲學梵音
翻經仍用貝布地不須金小舞階前鶴徵鳴柳外禽
鴉昏爭亂集蛩冷罷孤吟樹影分隣屋秋聲急暮砧
平蕪供眺望密雨值登臨景勝驅塵想形忘淡素襟
几筵寒閣靜燈燭夜窻深旨蓄僧開供芳醪客自斟
黃柑來野市紫蟹出溪潭契合元非舊情親已獨欽
知師甘寂靜愧我歎浮沉明日天涯去何時重盍簪

北郭集

卷之四

三十四

重刻徐幼文北郭集卷之五

吳郡 徐 賁 幼文 著

高安 陳邦瞻 德遠 校

新都 汪汝淳 孟樸 全校

七言律

寄周記室履道

湖波遙帶夕陽低，想得君家住更西。
隔岸衆山晴稍出，當門幽鳥晚猶啼。
酒綠客裏偏能飲，詩到愁邊只謾題。
欲倩歸雲寄離思，如何卻向望中迷。

次高二季迪留別韻

婁江東館

北郭集

卷之五

一

柴門村徑帶溪橋，來往因君豈憚遙。
淺水不波仍漾漾，疎林無雨自蕭蕭。
橋留夕照人將別，江作新寒酒易消。
明日秋風重悵望，還將離思託歸潮。

送張山人還天平

幾欲求田負舊盟，羨君西崦草堂成。
每緣種橘多開地，獨爲修琴始到城。
黃葉已先霜降落，白雲長在雨餘生。
龍門林屋無多遠，此去尋幽莫計程。

晚過廣福精舍訪傳上人

水陰山色晚依微，松映禪房竹映扉。
幽鳥不緣留客語，閑僧方自施經歸。
移來片石安茶器，分得孤雲補

衲衣杖屨不嫌頻過共道心久與世相違

贈醫士呂彥倫和王原吉韻

橘花開處杏陰青百草吹香覺地靈貧士願留賒藥
券故人思讀衛生經玄霜玉臼晴猶濕華月丹房夜
不扃張緒苦吟仍病肺乞和熊膽護修齡

送馬敬常縣丞

得南字

樓倚層城擁翠嵐登高送別思那堪雙溪到郡同流
北千嶂連關盡向南澹澹水陰雲度渚蕭蕭荷響雨
鳴潭尋常不醉臨岐酒今日因君飲易酣

待董彥正文學次王守敬主簿韻

北郭集

卷之五

二

旅館江湖苦往來那堪時節併相催雪當臘盡寒纔
見梅在春前凍未開野客過期空具黍山童不語訝
停盃相思獨坐寒齊晚禁得邊城鼓角哀

許將軍墓

鄉人傳有漢將軍南郭橋邊是故墳印出土中存舊
字碑殘火後失全文旗捲虎牙空落木劔埋龍氣只
寒雲當時祕器多榮賜功業于今恨不聞

病中寄北郭諸友

病中長日惟思睡家僻因憐寢舍幽山暗園林多夏
蝶樹荒城郭少晴鳩藥囊卧具聊重整酒債詩緣得

暫休卻憶故人居咫尺可能相過慰深愁

送金子肅

客中相見客中憐江海知名記十年歸路正當歸雁
後送君卻在送春前迢迢烟水分行棹浩浩鶯花共
別筵自信平生足遊賞看山重約豈無緣

夜坐次張士行太常韻

練衣入夜更蕭騷草暗閑堦露漸凋青鳥音書雲外
至素娥環珮月中搖醉來猶記題羅扇夢去曾教聽
玉簫獨坐無端思往事秋風客館正寥寥

答高季迪期遊雲巖

北郭集

卷之五

三

山中風景綠陰時但得閑行莫恨遲啼鳥猶能知
酒餘花應是待題詩且將盡日烹登覽况值頻年在
亂離晴雨明朝那可定故人何用預相期

丁未六月廿八夜作

西風作雨又仍休卧起圍齋夜更幽天黑露華涼不
下雲踈河影淡還流陰蟲齊響渾忘夏落葉頻飄預
報秋亂後俄驚時節異卻將何計爲消憂

嬾姬墓

又見張東隱詩居集

館娃宮裏已堪愁况是泉臺闕小丘月冷寶奩無復
曉地空玉鴈不知秋蘿間舊屋僧來住竹下新亭客

過遊不有佳名留郡志誰能識此爲停舟

同高季廸過東丘蘭若訪呂志學

路入斜塘始泊舟
喜同故友訪東丘
知君暫寓當幽寺
念我纔歸自遠州
水外高帆沙浦月
烟中餘稻墓田秋
臨尊何用多悲感
今日相看尚黑頭

送袁伯貞之湖廣

尋常送別自堪憐
君去那能不悵然
客路有蘭知楚地
驛亭多雨憶吳天
離鴻一一風檣外
寒水程程雪嶂前
後夜相思千里隔
江鄉梅柳是新年

過俞幻闇故居

北郭集

卷之五

四

水南別業遠無隣
我獨重來是故人
經榻香燈非舊火
禪房花木自新春
傳心曾嗣高僧法
画影空留居士身
寂滅不知何可樂
凡情未免爲沾巾

過姚大臨寓所

客居龍井古庄前
兵後人家幾變遷
亂世昔來求避地
故鄉今想賦歸田
曾邀霽月看花夜
憶別春風禁酒年
此日重過誰候我
寒烟衰草卻留連

南園廢宅

桂堂傾圮藕池枯
舊逕新移路轉迂
射圃春風誰走馬
歌臺夜月自啼烏
看花尚有閑人到
索酒今無醉

客呼多少侯家盡消廢如何來此獨踟躕

張叔芳南澗草堂

浴鵠灣頭舊隱居五峯秀色在庭除山田曾種仙家
玉石室猶藏外史書兩足澗聲春瀝瀝風平柳影月
踈踈百年文物惟君在結構重來是亂餘

鄭靜思少監山莊

祕書解綬還山日移得全家住白雲閑裡樵漁教子
習老來藥茗賴僧分雙巖樹合千層綠百嶂霞明五
色文此去石橋原不遠鐘聲只在座中聞

寄衍斯道上人

北郭集

卷之五

五

已知出世萬緣空誰謂詩窮道亦窮雙履徧行黃葉
雨三衣獨坐碧蘿風荒山泉石皆兵後古室香烟自
定中愧我遠歸千里客投閒未得與師同

次韻答陳文度

亂餘得返故鄉居正謂光生腐草餘閑已欲憑誰作
賦絕交寧許我爲書行看殘菊知身老坐對寒鴉愧
髮踈准擬求田成隱計天於此意可教如

病中寄高季迪

一榻高眠薜荔間閉門瘦減鏡中顏亂來難免心多
慮病久番令夢得閑踈雨林花春落競斜風巢燕晚

飛還藥爐應候呼兒煑此外升沉總不關

錢氏池園燕集得春字

幸存萬夙一吟身燕賞良時豈厭頻開到棟花風乍
暖啼殘桑扈兩辭春清樽偏解歎愁客短髮空慙對
故人經此亂離今得見論情便覺轉相親

陳允中亂後歸故隴營居見寄奉答

萬事由來信有天癯儒只合住林泉藏書自構山中
屋束帶仍耕墓下田但對老農談亦好何須漂母識
爲賢壯年未斷人間世且盡平生嫁娶緣

訪馮信卿縣令

北郭集

小卷之五

六

來覓幽蹤野水邊荒村樹裏起新烟梨花蕭寺哦詩
處春水平湖把酒前念我身經遷逐在喜君家值亂
離全當時悵望天涯外今日翻思始惘然

次韻金子肅卜居

君家茅屋去村西地接河渠水上畦黃菊遍生風掩
戶綠萱新長雪消泥酒香門客船中送詩好隣僧院
裏題誰道亂離無樂土此鄉還自有安棲

次韻答馮信卿見寄

自愧才疎老澗濱此身非是避風塵長貧爲讀蔬經
熟多病應同藥裹親僧惠竹枝輕作杖客分荷葉小

裁巾故人眼底惟君在深喜書來問我頻

寄鄴尚德王汝器

塵世閑身遂兩違扁舟應是入城稀看花雨裏宜高
屐獲稻霜餘或短衣玄鳥年年依屋住白鷗日日遶
門飛尋君不用重相問梅子林西竹下扉

畏韓景華教諭

命終萬事亦徒然辛苦微名五十年頭白尚嗟彈有
缺家貧信是坐無氈梨花寒食新墳上楊葉秋風舊
宅前兩處經過皆草草一盃未得酹重泉

送王守敬歸淮南

北郭集

卷之五

七

大江北望渺烟波君及歸時奈別何詩卷自添新賦
味客程還歷舊經過菱荷浦裏人家少魚米鄉中估
舶多謾有一尊相對飲秋風又起棹郎歌

次韻高季迪喜予北歸相訪江渚之作

客裏頻思大樹村歸來還喜舊情存十年夢寐憑詩
寄千里風霜藉酒論江上衣裳冬倍冷竹間窻戶晝
猶昏從今會別非遐遠不學梅花易斷魂

遊張林山

在前里

偶爲尋花到竹西兩山雲氣接高低午烟僧舍林塘
窅春野人家草樹齊水鶴晴時行麥隴園蜂暖處識

蘭畦自憐遠地歸來後纔是登臨便感懷

雙頭菊爲周孟瞻昆仲賦

籬落花開並蒂黃相依不是競秋光情親共冒重陽
雨志傲同凌十月霜莫道寒英爲獨秀須知晚節有
聯芳譜中異品誰能及只合題名作棣棠

寄渭僧清遠

自喜幽居接上方風煙野墅共相望禪邊梅老知僧
臘經裏蓮芳悟性香石爲彈琴曾作薦屋綠藏茗別
開房日長何處堪消暑欲借山中竹下涼

山閣夜坐

北郭集

卷之五

八

山閣巖巖俯下方望來暝色向蒼茫岡巒暗失高低
勢星斗平垂遠近光棲鳥鳴雞經火亂踈松修竹引
流長相期白日重登此要及春時覽衆芳

樂善庵訪張山人不遇

欲使餘生得遠閒重來林下扣禪關惟聞澗鳥時鳴
澗卻訝山人復出山雨草漸荒幽徑裏風泉仍響古
松閒自將吟咏鬪終日拚取扁舟載月還

浩師房別李伯章

君今初到我將還離合都從一夕間草草歡情燈下
酒悠悠去夢月中山秋堂鐘靜催禪定寒榻香來伴

客閑莫怪相逢論行樂壯年無幾髮成班

送珣楚山還廣濟

一來說法衆皈依雲水無心又復歸處處逢僧留半
偈時時禮佛備三衣齋筵赴徧人緣喜淨業修多世
態違雞臯山前明月夜家徒相候啟禪扉

寄蔣道士

雲鶴飄然去莫親還家猶似異鄉貧已知靜樂軒中
夢無復玄都觀裏春綠簡盡編吟後稿朱符長佩病
餘身近聞劍跡投巖壑終作人間避世人

送重衲住武康楊庵

北郭集

卷之五

九

和王功業太常書額賜禪宮表墓墟香炷四時同佛
供松風百嶂有僧居鼓鍾聲隱高秋外樓閣名存劫
火餘此去封禺山色遠竹看一錫度空虛

崑山道中

鴻鴈天寒儔侶稀秋風遠客獨思歸碧山盡處雲相
續白水明邊鷺自飛漠漠蘆花迷望眼蕭蕭荷葉慘
征衣此行賴共知心語一棹夷猶竟落暉

登崑山次易九成諸友韻

故舊相違西復東登臨偶得此時同鐘聲響落松陰
外帆影來從海氣中山鬼洞寒銷劫火石僧龕古閉

香風可憐節屆重陽近斜日秋明萬葉紅

次韻高翰林啟喜予見過之作

相逢已似恨來遲况是秋風欲盡時念我身便林下
服喜君家富篋中詩清江杳杳曾行路黃柳蕭蕭舊
折枝無限尊前雲共鳥應知此處感離思

和楊儀曹基舟次邵白懷寄

了無得失歎難蟲南北驅馳數載中奉使子諳天遠
近居閑我識濼西東畫船河渚高郵驛茅屋江鄉短
褐風何日歸來讓玉里雲山談笑一尊同

道場山寺

北郭集

卷之五

十

景物淒涼異昔年佛宮草樹暗荒烟千盤日色峯頭
轉百道泉聲石上懸覺鳥有時肅客語慈雲何處伴
僧禪莫言樓閣成空想地勝山靈亦變遷

重遊道場

路入千峯石磴危經臺香閣但餘基僧從離亂居山
少客爲登臨出寺遲伏虎已無巖下錫放魚空有竹
邊池曾聞至治承平日簫鼓春風過六時

送彭伯忻僉憲赴河南

題畫

載筆同趨侍從班會將翰墨動龍顏綉衣又向河南
去玉節新從海上還千里舟航通洛水中原文物入

夷山當時不得相追餞謾寄離情盡軸間

贈隱者次毛伯讓韻

歸隱柴桑計已成行歌曳履作商聲朝廷有詔徵遺
逸刺史無人識姓名山鳥下堦窺飲器野猿移石置
棋枰西風茅屋年年捲惟有黃花不世情

贈趙安道

偶爲行春此訪君山園野墅宿晴雲藥田鶴守耕相
候隣屋茶香飲見分林下看花多是杏溪潯拾草始
知芸每聞拚醉消長日誰復來題白練裙

春宮詞

北郭集

卷之五

十一

沉沉別院語流鶯驚斷春風夢裏情坐試舞衣因力
倦起臨粧鏡覺愁生餘香細拂芙蓉帳小燕頻窺翡
翠旌不意中官傳喚急侍朝得與殿頭行

藏春軒

溪上幽居小逕斜柳垣長日護春華時時清燕無非
酒處處閑行總是花自有軒窻留景物肯教蜂蝶過
隣家桃情杏思渾忘卻回首東風不用嗟

題胡玄素畫山居圖

幾度尋幽到澗阿荒谿峻嶺入烟蘿白雲九曲人家
少黃葉千林虎跡多試茗就當泉上飲看花須向酒

邊歌相逢重憶山中客獨對新圖奈別何

九日十六日陳逸人旭訪余蜀山中明日將還

武唐因賦此送別

仲昇

門掩荒山萬木空獨憐遠客此相同黃花興減重陽後
白髮愁多暮雨中雙劍不緣悲異國一盃未易辭
西風明朝離思知何處秋水遙天有去鴻

寄王校書止仲

他鄉每憶故鄉雲此日還山又憶君菊老豈堪秋後
采猿啼猶似客中聞風帆漁艇行無次野水寒烟去
莫分不是題詩不相寄孤鴻也自念離羣

北郭集

卷之五

十二

園隱圖送方以常

會聞學圃成高隱今日携書是宦遊隔屋尚通分溜
簞傍溪空覓看花舟菘菜盡作隣僧供芋栗還憑野
老收後夜月明江上夢應隨歸鶴到林丘

題宋參政記事狀後

江湖間老七朝臣聖主臨軒屬問頻殿陛屢曾聽曳
履都門誰復繼埋輪拜官南省推功舊被寵東宮賜
翰新豈料賢郎歸第日上尊空酌九原塵

送王架閣南歸

雅賢

蘭橈暫駐酒停斟隔浦誰歌送別吟歸鴈不隨南去

客飛雲猶載北來心野梅官柳愁相映暮雨春江思
共深想得慈親倚門久逢山逢水莫登臨

白塔懷古

荒山欲逐鳳飛騫誰構浮屠壓寢園土厚尚封南渡
骨月明不照北歸魂海門有路雙龍去沙磧無潮萬
馬屯莫向秋風重悵望梵王宮殿易黃昏

江西途中寄吳城北郭王李諸友

雨晴沙渚片帆開葭菼飛花鴈叫哀千里有情思北
郭半年無夢落南臺山遮故國層層出雲押長江片
片來可是宦途吟思惡強憑尺牘浼清才

北郭集

卷之五

十三

題彭江

又見靜居集

遠水殘陽落釣舟遠村漸見野烟收菱歌歸浦家家
夕楊葉驚風樹樹秋昨日夢非今日夢他鄉愁是故
鄉愁自憐久負山中桂每向江湖憶舊丘

登廣州城樓

五嶺南來瘴海深秋風榕葉尚陰陰安期一去家遺
烏陸賈重來橐有金門限虎頭潮上下城開鴈翅客
登臨清時不用頻興感萬里惟存向闕心

送日本僧

萬里扶桑曉色微海天空濶去人稀木盃不用隨潮

渡金策惟應向日飛去路猶餐中土飯到家重著故
鄉衣國人應問如來法帶取西天貝葉歸

答故人楊憲副孟載

憶在并州喜合并別來兩見歲華更自知詩裏閑情
少頓覺尊前老態生桑棗誰家非樂土雲沙何處是
邊城懷君幾度頻登覽寒日千山雪正晴

北郭集

卷之五

十四

二百廿

07940



